

UGOVOR O NABAVCI USLUGA PUNJENJA TONERA

zaključen u Sarajevu dana 07.11. 2017 g. između:

1. STOMATOLOŠKI FAKULTET SA KLINIKAMA U SARAJEVU, sa sjedištem u Sarajevu, ul. Bolnička br. 4a, ID Broj: 420054247007, kojeg zastupa Dekan, Prof.dr. sc. Muhamed Ajanović (u daljem tekstu Kupac)

i

2. ECOTON D.O.O. SARAJEVO, sa sjedištem u Sarajevu, ul. Kolodvorska br.12, ID Broj: 4200103710000, kojeg zastupa direktor Nusreta Juković (u daljem tekstu Prodavac)

Član 1.

Predmet ovog ugovora je usluga punjenja tonera prema ponudi Prodavca broj 02-2-1-292-12/17 od 04.10.2017. godine.

Član 2.

Ugovorne strane nalaze svoj poslovni interes u poslovnoj saradnji, u skladu sa odgovarajućim propisima, dobrim poslovnim običajima, poslovnim moralom – sve na način i pod uslovima iz ovog ugovora.

Poslovna saradnja po ovom ugovoru odvijaje se na obostranu korist ugovornih strana, uz uvažavanje uslova na tržištu.

Član 3.

Prodavac se obavezuje u 2017/2018 kalendarskoj godini vršiti isporuku tonera za Kupca.

Cijene se obračunavaju prema važećoj ponudi, a koja je u prilogu ovog Ugovora.

Cijene su garantovane i neće se mijenjati do isteka ovog Ugovora. U slučaju bilo kakvih izmjena na cijenama Prodavac je dužan obavijestiti Kupca.

U cijenu je uračunat povrat praznog tonera.

Član 4.

Mjesto isporuke Stomatološki fakultet sa klinikama u Sarajevu, magacin fakulteta.

Rok isporuke robe je 24 sata od dana prijema narudžbe. Troškovi dostave tonera i druge naručene opreme kao i troškovi preuzimanja praznih tonera (keseta) padaju na teret Prodavca.

Član 5.

Plaćanje se vrši uplatom na žiro račun broj 1401010000491241 kod Sberbanke dd Sarajevo. Nastale obaveze se moraju izvršiti u roku od 30 dana od dana ispostavljanja fakture.

Član 6.

Prodavac se obavezuje za Kupca vršiti besplatno održavanje i servis štampača. Prodavac preuzima brigu oko štampača Kupca.

Usluga čišćenja i servisa je besplatna za Kupca, a naplaćuju se samo zamjenjeni originalni rezervni dijelovi.

Član 7.

Garancija za isporučenu robu i njeno servisiranje ostaju u nadležnosti Prodavca. Garantni rok teče od dana preuzimanja robe od strane Kupca, a njegovo trajanje je 12 mjeseci. Ukoliko dođe do nestručnog i nepravilnog rukovanja, odnosno upotrebe robe, Prodavac neće moći uvažiti reklamaciju na kvalitet.

Prodavac garantuje da posjeduje prava da stavlja u promet sve robe koje isporučuje, te da u slučaju servisiranja printera Kupcu ugrađuje isključivo originalne rezervne dijelove. Prodavac preuzima na sebe potpunu odgovornost prema Kupcu za sva svojstva isporučenih proizvoda, i dužan je da Kupcu otkloni bilo kakvu štetnu posljedicu koja bi mogla nastati za Prodavca ukoliko isporučeni proizvodi nemaju sva zakonom predviđena, ugovorena ili deklarirana svojstva ili postoji bilo kakav drugi pravni ili fizički nedostatak na njima.

Prodavac izričito garantuje Kupcu ispravno funkcionisanje isporučenih proizvoda od dana isporuke.

Član 8.

Svaka ugovorna strana može raskinuti ovaj ugovor u roku 30 (trideset) dana od dana slanja pismenog obavještenja o raskidu Ugovora drugoj ugovornoj strani. Takođe svaka ugovorna strana dužna je da sa danom raskida ovog Ugovora izmiri sve dosopjele a neizmirene obaveze prema drugoj strani.

Član 9.

Sve eventualne sporove koji nastanu provođenjem Ugovora, ugovorene strane će pokušati rješavati sporazumno. Ukoliko se sporazumne strane ne mogu sporazumjeti, tada će se sporovi rješavati kod nadležnog Suda u Sarajevu.

Član 10.

Sve izmjene i dopune ovog ugovora mogu se vršiti samo uz postignutu saglasnost ugovornih strana i zaključenje pismenog aneksa ugovora.

Član 11.

Ovaj ugovor se zaključuje na određeno vrijeme i to u trajanju od 1 (jedne) godine dana i stupa na snagu danom njegovog potpisivanja.

Član 12.

Ovaj ugovor je sačinjen u 4 (četiri) istovjetna primjerka od kojih svaka strana zadržava po 2 (dva) primjerka.

PRODAVAC

"ECOTON" d.o.o.


Nusreta Juković, Direktor

Broj: 35-111/PR
Sarajevo, 07.11. 2017.



KUPAC

STOMATOLOŠKI FAKULTET
SARAJEVSKA UNIVERZITETA U SARAJEVU


Dekan / Prof. dr. sci. Muhamed Ajanović

Broj: 02-2-1-232-18/17
Sarajevo, 07.11. 2017.

